

U skladu sa dobrim praksama u Evropskom prostoru visokog obrazovanja, uvažavajući načela i principe proizašle iz Standarda i smjernica za obezbjeđenje kvaliteta u Evropskom prostoru visokog obrazovanja (ESG) s ciljem transparentnog, dosljednog i harmonizovanog postupanja u vanjskom vrednovanju visokoškolskih ustanova i studijskih programa u BiH, te davanja okvira za ostvarivanja prava na prigovor ili prava na žalbu svih učesnika u svim fazama postupka akreditacije, a na osnovu člana 61. Zakona o upravi („Službeni glasnik Bosne i Hercegovine“, broj 32/02 i 102/09), člana 6. i člana 12. Statuta Agencije za razvoj visokog obrazovanja i osiguranje kvaliteta („Službeni glasnik Bosne i Hercegovine“, broj 86/09), direktor Agencije za razvoj visokog obrazovanja i osiguranje kvaliteta uz saglasnost Upravnog odbora sa 7. sjednice održane 12.11.2024. godine, **d o n o s i**

PREPORUKE

o primjeni Standarda i smjernica za osiguranje kvaliteta
u Evropskom prostoru visokog obrazovanja (ESG) u Bosni i Hercegovini

Član 1. (Predmet)

(1) Ovim Preporukama o primjeni Standarda i smjernica za osiguranje kvaliteta u Evropskom prostoru visokog obrazovanja (ESG) u Bosni i Hercegovini (u daljem tekstu: Preporuke) se nadležnim obrazovnim vlastima preporučuje definisanje normativnog okvira za osiguranje i unapređenje kvaliteta u visokom obrazovanju u Bosni i Hercegovini na način da isti u potpunosti bude zasnovan i usklađen s evropskim standardima osiguravanja kvaliteta u području visokog obrazovanja, a u smislu da se kvaliteta visokog obrazovanja u Bosni i Hercegovini, u skladu sa ovim Preporukama, potpuno usklađuje i zasniva na „Standardima i smjernicama za osiguranje kvaliteta u evropskom prostoru visokog obrazovanja“ (European Standards and Guidelines – ESG), koji su revidirani i odobreni od strane Ministarske konferencije u Jerevanu, dana 14. i 15. maja 2015. godine (u daljem tekstu: ESG), odnosno da se definisanje normativnog okvira usklađuje i zasniva sa budućom dinamikom revidiranja navedenog dokumenta ESG.

Član 2. (Primjena)

(1) Cilj ovih Preporuka je stvaranje osnove za usklađenost unutaršnjeg osiguranja kvaliteta visokoškolskih ustanova, vanjskog osiguranja kvaliteta visokog obrazovanja, te osiguranje kvaliteta agencija za osiguranje kvaliteta na prostoru Bosne i Hercegovine.

(2) Agencija za razvoj visokog obrazovanja i osiguranje kvaliteta Bosne i Hercegovine (u daljem tekstu: Agencija) je, u skladu sa članom 48. alineja (7) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09) (u daljem tekstu: Okvirni zakon), „nadležna za utvrđivanje standarda kvaliteta, analiziranje kvaliteta, davanje preporuka za otklanjanje nedostataka kvaliteta studija i visokoškolskih ustanova“, te Agencija u okviru svojih nadležnosti preporučuje obavezu primjene „Standarda i smjernica za osiguranje kvaliteta u evropskom prostoru visokog obrazovanja“ (European Standards and Guidelines – ESG) revidiranih i odobrenih od strane Ministarske konferencije u Jerevanu, dana 14. i 15. maja 2015. godine.

(3) Potrebno je da strane na koje se odnosi ESG usklade sve propise o osiguranju kvaliteta, koje donose u okviru svojih nadležnosti i ovlaštenja sa „Standardima i smjernicama za osiguranje kvaliteta u evropskom prostoru visokog obrazovanja“ (ESG).

Član 3.
(Sadržaj Preporuka)

Sastavni dio ovih Preporuka je Prilog 1, koji sadrži: „Standarde i smjernice za osiguranje kvaliteta u evropskom prostoru visokog obrazovanja“.

Član 4.
(Stupanje na snagu)

Ove preporuke stupaju na snagu 8 dana od dana donošenja i biće objavljene na službenoj internet stranici Agencije.

Broj: 05- 33-4-694-1/24
Datum: 27.11.2024.

D I R E K T O R
Prof. dr. sc. Enes Hašić s.r.

PRILOG 1.

„STANDARDI I SMJERNICE ZA OSIGURAVANJE KVALITETA U EUROPSKOM PROSTORU VISOKOG OBRAZOVANJA“

Napomena: original (izvornik) se može preuzeti s mrežnih stranica ENQA-e na: <http://www.enqa.eu/pubs>.